

Abisai.

Abisai der bruder Joab / der war der fürnemest vnter dreien / Vnd er hub seinen spies auff vnd schlug drey hundert. Vnd er war vnter dreien berümbt / vnd er der dritte / herrlicher denn die zweene / vnd war jr Oberster / Aber bis an die drey kam er nicht.

Benaia.

Benaia der son Joiada des sons Ishail von grossen thatten von Kabzeel / Er schlug zween Lewen der Moabiter / vnd gieng hin ab vnd schlug einen Lewen mitten im brun zur schneezeit. Er schlug auch einen Egyptischen man / der war fünff ellen gros / vnd hatte einen spies in der hand / wie ein Weberbarum / Aber er gieng zu jm hin ab mit ein stecken / vnd nam jm den spies aus der hand / vnd erwürgtet jm mit sein eigen spies. Das thut Benaia der son Joiada / vnd war berümbt vnter dreien helden / vnd war der herrlichst vnter dreissigen / Aber an die drey kam er nicht / David aber macht jm zum heimlichen Rat.

Abasael.

Die streitbaren helden sind diese / Abasael der bruder Joab. Elhanan der son Dodo von Bethlehem. Samoth der Haroriter. Helez der Peloniter. Ira der son Ekas der Thekoiter. Abieser der Anthothiter. Sibechai der Husathiter. Ilai der Ahohiter. Maherai der Netophatiter. Heled der son Baena der Netophatiter. Jthai der son Ribai von Gibeon der kinder Ben Jamin. Benaia der Pirgathoniter. Hurai von den bechen Gaas. Abiel der Arbathiter. Asmaueth der Baherumiter. Eliahba der Saalbomiter. Die kinder Hassem des Gisoniters. Jonathan der son Sage / des Harariter. Abiam der son Sachar des Harariter. Eliphal der son Ur. Hopher der Macherathiter. Abia der Peloniter. Hezro der Carmeliter. Naerai der son Asbai. Joel der bruder Nathan. Nibehar der son Hagri. Zeleg der Ammoniter. Maherai der Berothiter / Waffentreger Joabs / des sons Seruja. Ira der Jethriter. Gareb der Jethriter. Oria der Hethiter. Sabad der son Abelai. Adina der son Sisa der Rubeniter / ein heubtman der Rubeniter / vnd dreissig waren vnter jm. Hannan der son Maecha. Josaphat der Mathoniter. Osa der Asthrathiter. Sama vnd Jaiel / die söne Gatham des Aroeriters. Jediel der son Simri. Joha sein bruder der Thiziter. Eliel der Maheniter. Jeribai vnd Josawia die söne Elnaam. Jethma der Moabiter. Eliel / Obed / Jaesiel von Mezobaia.

XIII.

Das ist / Verbor-
gen.

Aber kamen diese zu David gen Ziklag / da er noch verschlossen war für Saul dem son Kis / Vnd sie waren auch vnter den helden die zum streit hulffen / vnd mit Bogen geschickt waren zu beiden henden / auff steine / pfeile vnd bogen.

Von den brüdern Saul die aus Ben Jamin waren / der fürnemest Abieser vnd Joas die kinder Samaa des Gibeathiters / Jesiel vnd Pelet die kinder Asmaueth / Baracha vnd Jehu der Anthothiter. Jesmaja der Gibeoniter / gewaltig vnter dreissigen vnd vber dreissige. Jeremia / Jahesiel Johanan / Josabad der Gederathiter. Eleusai / Jerimoth / Bealia / Samarja / Saphatja / der Harophiter. Elkana / Jesija / Asareel / Joeser / Jasabeam die Korhiter. Joela vnd Sabadja die kinder Jeroham von Gedor.

Von den Gadditern sonderten sich aus zu David in die Burg in der wüsten / starcke helden vnd Kriegsleute / die schilt vnd spies fürten vnd jr angesicht wie der Lewen / vnd schnell wie die Rehe auff den bergen. Der erst Eser / der ander Obadja / der dritte Eliab / der vierde Masmanna / der fünfft Jeremja / der sechst Athai / der siebende Eliel / der achte Johanan / der neunte Elsabab / der zehend Jeremja / der eilfft Nachbanai. Diese waren von den kindern Gad / heubter im heer / der kleinst vber hundert / vnd der grösst vber tausent. Die sind / die vber den Jordan giengen im ersten monden /

da er